

四庫全書

子部

欽定四庫全書

子部

普濟方卷二百九十一

詳校官太醫院醫士臣舒岱

編修臣倉聖脈覆勘

總校官進士臣楊懋珩

校對官中書臣潘庭筠

謄錄監生臣張德燾

欽定四庫全書

普濟方卷二百九十

明

周王朱橚撰

癰疽門

便毒

附論

夫腎為作強之官所藏者志也男女大慾不能以直遂其志故敗精搏血留聚中途而結為便毒矣夫人腳腿與小腹合縫之間精氣所出之道路也或觸景而動心或夢泄而不泄既不得偶合陰陽又不能忘情思念精

與血交滯其不為腫結也幾希便毒處所上不在腹下不在腿介乎兩間之中是也嘗怪世俗無知纔覺有便毒證狀必以為熱氣所攻每每薄衣露足遂使寒邪乘之熱氣轉不得散日復一日敗精宿血愈聚而愈結焉不思一身宗筋上絡於舌本下聚於陰器筋得寒則急急則縮甚至偃僂而不獲伸於斯時也百藥並陳亦難責効况復從事於寒涼者乎治法散寒利熱泄其腎邪活其血脈是為捷徑外此老人氣滯亦或有之

方

連翹湯 治便毒腫結

連翹 獨活 川升麻 射干 木通 桑寄生

赤茯苓

甘草

炙各七錢半

大黃

生用

木香

乳香

沉

香

各五錢

右剉細每服三錢水一盞半慢火煎服

復元通氣散 治便毒初發用此方

穿山甲

酒浸炙焦二兩

天花粉

酒浸一宿焙

白芷

舶上茴香

炒
白牽牛末炒 延胡索擦去皮 南木香 當歸 甘

草灸各半 青木香兩

右為細末每服二錢溫酒調食前服不飲酒南木香

煎湯下

治痼毒

胡椒十個燒過五分 樺皮一兩燒過五分 穿山甲一兩蛤粉炒 皂角

針一兩炒 山梔子一兩炒 乳香半兩 沒藥半兩 甘草半兩

右為細末每服二錢溫酒調下食前服

雙解湯 治便毒內蘊熱氣外挾寒邪精血交滯腫結
疼痛

辣桂 川大黃 白芍藥 澤瀉 牽牛炒去末 桃

仁去皮尖乾 甘草五分

右為粗末每服三錢水一盞半薑五片食前服日兩
服先小便快熱從小便出後大便利皆是調毒

治便毒

大黃 黃連 枳殼 甘草 穿山甲

右呖咀為飲子酒水各半盞煎十分濃露一宿次早空心服上半日不可喫食便忌熱物免吐

又方

黃芩薑 大黃 芒硝 甘草節

右用水二盞煎至八分空心服調理甚妙

威靈仙散 治發背便毒

威靈仙 貝母 白芷 甘草

右呖咀每服半兩酒水煎服

治男子婦人便毒驗如神

僵蚕

七个炒
去絲

大黃

一兩麝香
字硝少

右為細末好煮酒調和必要起五更服之如過動即
可如不過再用一服已成膿者小便去之未成即散
千金托裏散 治便毒惡瘡一服取効如經三五日已
成結腫核連進二三服為妙腫則先用烏龍膏貼之
蛇床子 炒 牡蠣 煨 甘草 節生 大黃 各二兩

右咬咀每服五錢水一盞酒半盞隔宿煎露一宿次

早五更服如大便實加大黃入藥後令下去二三行
臟腑病隨藥去

治便毒絕妙

胡桃

五
个 芡萋 一
个 樺皮 少
許

右燒存性為末酒調空心下

治便毒腫痛

雄黃

乳香

各二錢
五分

黃栢

一錢

右為細末分作兩服以新水調傳自平

又方 治便毒

大黃 明礬 胡桃肉

各等分

右同研為末丸如彈子大空心不喇口細嚼一九好酒送下忌煎炒熱火物

退毒飲 治便毒腫結

川山甲

半兩 醋炙焦 蘇法

木猪苓

三錢 醋微炒 蘇法

右為末每服二錢食前老酒調下次以法醋煮肥皂研膏傳之妙

治便毒

木鱉子

一兩
去殼

甘草節

一兩

右為末好酒一椀煎之熱服

貝母丸 治便毒瘰癧有効

貝母 皂角子

各半
斤

右為細末用皂角半斤剉碎搓揉濃水濾過作膏子和藥末丸如梧桐子大每服五七十九早晨酒下凡便毒證服二藥不効可服五香連翹湯十奇內補散

治便毒并治癰腫未有頭必效方

用牛蒡子一半炒一半生碾為末空心酒調服愈單
用牛蒡根傳之亦可

又方

用斑猫七個去頭翅足為細末入海金沙半匙酒調
露一宿早空心服忌食至午飯小便中見毒方用粥
調理甚妙此方多効

治便毒

用楮桃三十二個酒煮服大病不禁二服無膿者隨氣自散

皂角膏 治便毒癰疽等

用皂角一條用尺以上者槌碎法醋煮爛研成膏傳之屢効

膠方 治便毒初發

用水膠以水溶開塗傳若便毒已大而軟則用魚鰾膠於熱湯中煮軟乘熱研爛傳之或要換藥以熱湯

洗去

治便毒 用紫背草研醋調傳之

治便毒初發

用生薑一大塊米醋一合薑蘸醋磨取千步峰泥敷

譽作處即効

千步峰即人家行步地
上有高槐者是

治瘡氣即瘕瘰

血餘

一兩燒灰研為
細末即人髮

錦紋大黃

一兩麵
裹煨過

猪牙皂角

錢三

右半為呔咀半為末先以呔咀用水一盞半煎至七分却入好酒二盞去滓調前件藥末空心服之前藥分作三服

又方

知母

一兩

貝母

去心

一兩

右各為細末紅酒調下飲醉為妙更以酒調藥塗患處

治瘡方

穿山甲

蚌粉

同炒

右為末麻油輕粉調傳

石霜膏

風化石灰

百草霜

等分

右為末以酒醋調鵝毛順手掃起

治瘰方 亦治便毒

用大乾芭蕉葉熨斗內燒存性為末麻油輕粉打和
傳瘰留頭以軟紗貼換易三次或散或破無痕一方

法醋生薑自然汁調傳

破毒散 治便毒橫痃已成未成隨即消散應効如神

滑石末

三錢

班猫

炒去頭翅足三個為末

右二件和勻分作三服空心食前一日服畢少用茶湯調下毒氣但從小便中出如小便疼痛濃煎車前子木通燈心澤瀉湯頰服即已

治便毒傳藥

毒潰時用白芨沒藥乳香血竭為末摻効

一醉散 治疽瘰

貝母 香白芷

右等分為末酒服次飲酒醉為妙酒醒而病去矣

又方

煎犀角飲子調五苓散服

癰 附論

夫癰者由風溫冷氣搏於血結聚所生也人運役勞動則陽氣發泄因而汗出遇冷溫氣搏於經絡血得冷折則結澀

不通而生癰腫結如梅李也又云腫一寸二寸為癰也其不消而潰者即宜捻去其膿至清血出若膿汁未盡其瘡合者則更發也其著於頷頸腋下若膿不盡多變成癰也

方

生乾地黄丸 治熱毒瘡癰腫硬

生乾地黄

二兩

川大黃

一兩碎剉微炒

赤芍藥

赤茯苓

甘草

生剉

王不留行

遠志

去心

桂心

川升麻

黃

苓

麥門冬

去心焙

人參

去蘆頭

各一兩

右為細末煉蜜和搗三二百杵丸如梧桐子大不計時以溫水下三十丸

防風當歸散 治諸般瘡癰等毒熱瘡

防風兩半 甘草節兩半 赤芍藥兩半 綿黃耆兩半 當歸兩半 白

芷兩半 左纏藤兩半 皂角刺兩半 肉桂兩半 大黃

陽證用半兩
陰證用一錢

右咬咀水四碗砂瓶內煎至兩碗入好酒一碗再煎一碗放溫作數起服內皂角刺左纏藤加衆藥五倍

漏蘆散 治熱毒癰癤

漏蘆

一兩

木通

三分

川升麻

一兩

赤芍藥

一兩

黃芩

一兩

半桑根白皮

三分

枳殼

一兩 麵炒 微黃去穢

甘草

三分 炙 微赤對

右為散每服四錢水一中盞煎至六分去滓溫服日

三四服

硝石散 治瘡癰初生熱毒始結疼痛妨悶

川硝石

三分

紫檀香

半兩

甜葶藶

一分

莽草

一分

白藥

一分

大黃

半兩 生用

白欬

半兩

右為細散以漿水旋調稀稠得所塗於腫上乾即易之以熱退消為度

乳香膏 治軟癰

乳香半兩 膩粉一分 油兩 黃蠟半兩 松脂一分 蜜陀僧一分

研細

右藥先取油煎蠟松脂乳香洋後下粉蜜陀僧調和成膏看大小用帛上攤貼日二換之

大黃散 治熱毒生癰五臟壅滯及發背初欲結腫

川大黃

一兩對
碎微炒

梔子仁

半兩

黃芩

川升麻

各一兩

甘

草

半兩炙
微赤對

右為散每服四錢水一中盞煎取六分去滓不計時
候溫服得快利為度

胡粉散

治熱毒惡瘡及諸瘡腫

胡粉

黃連

去鬚

水銀

與胡粉同研令
星盡各一兩

糯米

十粒

赤小

苴

十四粒

右為細末以麻油和諸藥并水銀調令勻薄塗之

治軟癰雖出水熱痛不止方

赤小荳

四十粒
乳香半
粉半

右為細散先去膿水後貼藥末三兩上効

水調膏 治軟癰一切腫毒

黃皮 白歛 甘草

右等分為細末水和少蜜調貼之用井水佳

治軟癰赤腫疼痛不可忍方

天靈蓋

一枚
塗酥
炙令微黃

麻鞋底

一雙多年
故者燒灰

右為細末以油和塗之

治軟癰熱毒不散疼痛不止方

食草猪糞

冬瓜皮

等分
燒灰

右為末先用鹽漿水洗了以生油調塗以差為度

治軟癰

乾生薑末

銅青

右等分和勻香油調傳留口子先用葱椒湯洗淨軟拭乾傳之來日便愈神効

又方

生椒末

釜下土

各等分

右醋和調之千金方有麴末

又方

狗頭骨

芸臺子

各等分

右為末醋和傳之

石灰散

治瘡腫軟癰立効

乾薑

石灰

等分

右爛搗入清油和捏作餅子罨在瘡腫上

治軟癰

荊芥 銅綠

等分

右為細末猪骨髓調塗

治癰癤結腫赤熱者方

用水磨半夏塗之燥便復塗

治軟癰熱毒不散疼痛不止方

以麻油四兩熬亂髮如雞子大成膏入烏貓兒糞末

一分調勻塗於緋帛上貼之

又方

用鯽魚取蒿柴火燒令焦搗羅為末入生油調貼於瘡上一方治
骨疽腫熱未破已破或膿不已用銅器煮焙乾焦為末脂油調傳

治軟癰

用建茶^多搗羅為細末油調傳之

又方

用枳殼大者一枚剉去穰令空地上磨令口平以調

麪糊搽四唇雷在癰上自破膿溜出盡更無癰痕

治瘡癰已結未結赤腫者

用大天南星一個陳者為細末生麪與南星等分生薑自

然汁調塗腫處熱腫者只用水調不用麪

一方加薄荷汁塗

治軟癰屢安再作者

用桑螵蛸燒灰存性麻油調傳

又方

一名呼膿
開口膏

用雀抱卵殼燒灰存性為末入輕粉少許麻油調傳

此物難得只以鷄子抱退殼如上法用亦可一方用
烏鷄圓卵殼燒灰存性為末以綿蘸入瘡口頻易

治軟癰

用螺蛸殼燒灰真麻油調塗

又方

用枰樹上自起薄皮火炙乾為末麻油調傳

治癰子方

凡癰無頭者吞葵子一枚不得多服

又方

以燒葛蔓灰封上自消一方牛糞灰封之亦佳

又方

用鼠粘根葉貼之

又方

用水雀屎傳之

治瘡瘍諸熱毒疱軟癰及停耳名二白散

用風化石灰不以多少鷄子清拌勻和作彈子大日乾

火煨研為細末凡瘡癰初結清油調傳已破乾摻若
停乾令患者側卧患耳向上摻藥以乾為度次日患
者以爪爬去耳內藥再用藥末摻不過二三次退愈
治瘡腫軟癰立効

用瀝清不以多少瓦銚中火溶帶性碾為細末用天
南星磨水調藥塗瘡立効

治軟癰不作頭及癰腫未有頭

用茅針濃煎和酒服

荒蔚子治癰子已破

用益母搗傳瘡妙

治軟癰

用黃米粉米於鐵器內炒黃色以新汲水調勻塗瘡
上用紙乾貼不再撲可待自落

治軟癰

用覆盆子葉微炒為末油調紙花貼

獨珍膏 治軟癰諸熱毒疱瘡

用五倍子炒焦為末油調紙花貼一方水調塗仍入麻油數點
療熱腫癰

蜚膠數塗一日十數度即差療小兒癰子尤良每用神効
五葉湯 治遍身熱癰及瘡瘍等

用五葉草不拘多少水煎三五沸作浴湯洗之

治癰癰方 每覺有痛疼似作癰癰或發寒熱便宜用

生粉草節大橫紋者尤妙不炙不焙只用日曬為末以酒
調煮熟去滓稍熱服連進數服為妙

蜚針法

癰癤不拘老少初發熱腫即以井邊淨泥傳之有一點先乾處即瘡正頂以太筆管安其上却用馬黃蜚一條安其內頻以冷水灌之蜚必吮其腫血出毒如毒大蜚小須用三四條方見效蜚必死以水救活若血不止藕節上泥止白茆花亦佳

治惡癰癤腫破

用胡堇草搗篩與松脂乳香花桑柴炭亂髮灰同熬如彈丸大如有其病以熱酒磨一彈丸服之其疼痛立止

治瘡癰癰腫熱腫

以大黃末水調傳之

治癰癰

以甘蕉根搗傳之效

治瘡癰腫毒

以車螯殼燒灰二度各以醋煨搗為末又甘草等分酒服以醋調傳腫上妙

治諸癰腫發背及癰癰已潰爛疼痛

用薑椒殼更炙熨之即愈

諸瘡口不合

附論

夫諸瘡腫皆是風邪熱毒所為若重觸風寒則冷氣入於瘡令血澀不行其瘡則常有膿水不知疼痛經久則瘡口不合也

方

降真香散 治惡瘡封閉瘡口

降真香 木香 麒麟竭 白芷 白欵 黃連

去

黃蘗

各半

右生搗為細末不計時候用傅瘡口即差

飲瘡散

軟滑石

花蘂石

鷄內金

各半兩

白歛

二錢半

號丹

煨

滴乳香

各一錢

白芨

三錢半

右滑石花蘂石炭燒通紅碗覆泥地一復時為細末
次入餘藥末研和乾摻神効

騏驎竭散

治諸癰破成瘡口膿帶清薄宜用合瘡口

長肌肉方

騏驎竭

一兩炒令紫色

生人骨

一兩燒灰人牙是也

古銅末

三分

鵲糞

一合乾
為末

右藥都細研如粉貼之如瘡口深作紙紐子引散入瘡口裏面候肉生即合瘡口

桃花散 治諸瘡口不合生肌藥

赤歛

炒

白歛

炒

黃栢

炒已上各三錢

輕粉

一錢

右為細末用葱白漿水淨洗上藥

燼藥收瘡口

用水二升香油二斤傾在鍋內煎水乾滴油在新汲

水內成珠若成珠為油熟方淨草二十兩塊子淨待
熟再下白芨半斤同煎熟又下白欬六兩煎熟又下
淨洗頭髮剪碎四兩下同熬熟後用芝麻油四兩煎
熟放在罐中却用新汲水一盆傾藥在面上去粗下
水底取藥用後四兩熟油和勻用紙紐撚蘸藥紐入
瘡口內立應膿出常用水蓋如要用時傾去水取藥
了又水蓋之

木香摻收瘡口方

木香 鷄心檳榔 號丹 一兩各輕粉五分

右細末摻

保安飲瘡方

白飲

白芨

各一兩

鷄內金

二兩

厚黃藥

五錢

右為細末井水調傅須膿盡乃可用潰者亦能飲

盪洗方

蜂房 白芷 苦參 川椒

右煎洗熱燉加荊芥

癰疽瘡口深大方

深山黃牛糞

塞湯瘡藤紙貼上三四日後

蜂房

白芷

大腹

皮

三件煎湯淋洗乾

右以黃桑葉晒為細末撒摻常服酒調排膿內補散
飲醇酒食肥肉自然生肌深山黃牛吃百草平田牛
吃禾藁

飲瘡口方

白芨

一錢

赤石脂

一錢研

龍骨

少許研

當歸

二錢去蘆頭

右為細末乾摻

羊髓膏

治癰疽如作硬壞熱毒發瘡

方見癰疽發背作寒熱類羊髓

膏

虎骨散

欬瘡

烏魚骨

龍骨

虎骨

炙

天靈蓋

各等分

右為細末乾貼瘡上

貼欬藥方

合瘡

麥飯石

粗磨石是也曾作磨者尤佳火煨七八次煨紅入米醋中淬煨至三四次其石定細

碎用甘鍋盛煨通紅淬
醋中煨過七八次可用
鹿角根不用腦骨不用角箱只用角根三寸

火煨

右等分為末先將舊淨潔衣絹片淨洗候乾約瘡大
小剪絹作一輪子中留一小口却用一小銚子熱少
米醋約用多少將前藥投醋中候冷攤絹輪子上貼
瘡一日一換此方救人累効不可疑藥低賤而忽之
生瘡口桃紅散

龍骨

半兩

白礬

半兩

黃丹

少許

右為末每用少許摻在瘡口上先用口含漿水洗淨
揩乾用藥貼之以差為度一方有輕粉無白礬

乳香追毒丸 追惡迴瘡活血出膿

巴豆

去皮
一錢

白麩

一錢

黃丹

一字

右研勻滴水和成捶千餘下丸作定子量瘡大小紐
之次以膏藥覆之

治諸瘡腫成瘡口不合并痔病穿破冷漏瘡口膿水常
出經年不乾者宜服此

鴿糞一升麝香三分

右將鴿糞於淨地上周迴以火圍煨令烟盡別於地上出火毒了入麝香細研為散每用食前以粥飲調下二錢

神驗散 治諸癰腫瘡及冷瘻不乾宜用長肌肉合瘡口

雄黃

三分研為末

檀子

三枚和核切陰乾為末

右先將雄黃末於銚子內以瓷蓋子蓋四面以濕紙

封縫於慢火上燒以濕潤物蓋蓋底莫令水入其黃
作霜在蓋子上候冷取出別取長肉膏藥不限多少
取其霜并椴子末一時拌和旋旋攤貼絹上如瘡口
深作絛子引藥入瘡內肉從裏長出到瘡口合之
瘡口已成大窟方

桑白皮分當歸分半

右為末乾摻外用北艾蘸蜜水研細塞口

北艾湯 癰疽瘡口冷帶膿水少肉色白久不合逐日

用北艾一把煎湯密室中洗仍以白膠燒烟熏之續貼膏藥仍多服排膿內補散加味不換金正氣散

秦芫摻方 治一切瘡口不合

用秦芫細末摻之

治瘡口

用細牛膝根如瘡口之大小略刮去粗皮搗入口中留半寸以下壓在瘡口外即以嫩橘樹葉及地錦草各用一握許研成膏傅之其上牛膝能去惡血得惡

血常流而二草溫涼止痛隨乾隨換十全之功一方
用光明牛膝酒煮飲醉為度仍攤紙上貼之予嘗有
癰毒之患點烙聽之者寡從之

乳香生肌散 飲瘡口止疼痛

射香

字一輕粉

龍腦

各一分

白欬

蜜陀僧

烏魚骨

寒水石粉

各五錢

雄黃

三錢

白龍骨

五錢

右為細末用漿水洗過瘡口後用藥乾摻

生肌散 飲瘡大効

寒水石 滑石 龍骨 烏魚骨 各一兩 蜜陀僧

枯白礬 乾胭脂 定粉 各半兩

右為細末用藥乾摻瘡口上

生肌散 治瘡口不合

沒藥 錢一 黃丹 錢一 飛過用 赤飲 錢一 枯白礬 錢一 白膠 錢二 黃

栢 錢一 乳香 錢一 射香 二錢半

右為細末先用葱白鹽湯洗淨搵乾敷藥末於瘡口

上

平肌散 治諸瘡久不斂者

黃丹

二錢半

乳香

研

黃連

三錢半

輕粉

一錢

蜜陀僧

花

礬石

二味同
煨赤色

白龍骨

各一兩

右為細末入乳香輕粉黃丹同研令勻每用乾摻之

拔毒散 斂瘡

大檳榔

一個

紅娘子

一個

黑狗脊

硫黃

赤石脂

黃連

各半兩

輕粉

一錢

右為細末每用藥少許乾摻患痛處

藥皮散 治惡瘡久不合

黃蘗末

三分

細堯末

一分

甘草末

一分

右和勻乾傳

桃紅散 收斂一切瘡惡瘡杖瘡速瘥

粟米飯

一兩

炒黃鉛粉

三錢

炒

右研勻乾貼之

平肌散 治諸瘡久不斂

盧甘石

燒一兩

龍骨

半兩

右為細末每用乾摻患處上用膏藥貼之

牡礪散 治收斂瘡口令乾

用牡礪一塊以破草鞋包縛入火內煨令通紅去火
候冷取去研隨用時旋入飛過枯白礬少許拌和傳
瘡口上

收多年不合瘡口

右以桑蛾研細末疼而效速燒作灰性慢而不痛並

乾傳

治瘡口大窟方

用生絲瓜或生地黄或芭蕉根取汁筆蘸抹

欽瘡口木香散

木香

分一檳榔

十個

白芨

半兩

白欽

半兩

鷄內金

一兩

根子黃皮

分一

肉桂

分一

麝香

少許

黃芩

葵花

一兩

右味一時焙乾為末研細看瘡口大小逐旋滴水調成膏於熱絹上貼每日一度換

麝香散 住痛收欽瘡口生肌封口

海螵蛸

龍骨

白礬_枯

麝香_研

黃丹

乳香_{別研}

_錢各三

右為末入輕粉拌勻甘草湯洗瘡傳藥用少許

歛瘡口黃丹散

黃丹

_煨

白礬_枯

龍骨

寒水石

乳香

木香

_{不見}

_火

黃連

黃芩

檳榔

膩粉

_{各三錢}

腦子

_{少許}

右為末隨瘡乾濕用之乾則用溫鹽湯洗濕淨乾却
摻其上用不可太早須膿血去盡臨好方用不然則

又譽作

栢皮膏 治瘡口穿潰不差

鷄子

一二個煮熟去白用黃子將入深厚黑盞內盛於慢火上熬成黑油出為度

輕粉

半錢

大栢皮

川黃連

檳榔

木香

各一分為末

右用鷄子油調封瘡口以乾為度如瘡依前熟赤如火燒四畔腫硬不退再用白芨散塗之

諸傷瘡口封住痛

白芨五倍子炒赤石脂烏賊骨生血封口須研極細

末不然極作痛不止此藥治諸般惡氣及脚上賺瘡
蛇頭指痛一方加乳香雄黃白芷一黑散為末搽清
油蒸熟去滓用鷄毛洗瘡口却用上藥搽乾油調塗
治穢氣加號丹

生肌桃花散號丹白芷滑石兼上藥味通用瘡口水不乾枯
白礬穿山甲先灰炒焦更加龍鱗搽白芷一味瘡中聖藥
歛瘡口內消方

黃明膠一兩水半升消了入黃丹一兩再煮三五沸

又放溫冷以鷄毛掃在瘡口上如未成即塗腫處自消

治癰瘡中冷瘡口不合

用鼠皮一枚燒作灰細研封瘡口上

排膿收口

檳榔 大黃 當歸

羯羊角

火上燒刮
下又燒刮

右為末真麻油調傅口如未合加龍骨末少許傅之即合但勿性急反為害

桃花散 癌瘡口未斂瘀血多用此飲之

黃丹

隔紙炒
一兩

明硫黃

三分
炒

茱萸

三分
錢

右為末麻油調傳濕則乾粉

諸瘡生惡肉

附論

夫諸瘡及癰疽皆是風濕搏於血氣蘊結生熱發於肌肉成瘡久不差者多生惡肉四邊皮起而好肉不生此由毒熱未盡經絡尚壅血氣不到故也。○癰疽已潰久而良肉不生者由血氣未平惡肉有以害之也惡肉雖

得於風氣外搏亦以餘毒未盡故死肌敗壞侵蝕良肉
致宜以藥蝕去之。癰壞後有惡肉者以猪蹄湯洗去
穢次傅食肉膏散惡肉盡傅生肉膏散及摩四邊令善
肉速生當斷絕房室慎風冷勞煩待筋脉平復乃可任
意耳不爾新肉易傷傷則重潰發發則禍至慎之慎之

方

蛇啣生肉膏 治癰疽金瘡敗壞者

蛇啣

當歸

各六分

乾地黄

三兩

黃連

黃蓍

黃芩

大黃 續斷 蜀椒 芍藥 白芨 芎藭 莽

草 白芷 附子 甘草 細辛 各一兩 韭白 一把

右咬咀酢漬再宿臘月猪脂七升煎至三上三下酢
盡下之去滓取傅日二夜一崔氏方有大戟獨活各一
兩無地黃黃連黃蓍續斷白芨芎藭白芷甘草

生地黃膏 治癰疽敗壞生肉亦治發背

生地黃 辛夷 獨活 去蘆頭 當歸 切焙 大黃 芎藭

黃蓍 白芷 芍藥 黃芩 去黑心 續斷 猪脂

二七
斤 韭白 莖

右除猪脂外并剉碎先熬脂令沸下諸藥煎候白芷赤黑色以綿絞去滓覓合盛塗日三兩次

黃耆膏 療癰疽發壞出血生肉

黃耆 芍藥 當歸 大黃 芎藭 獨活 白

芷 韭白 生地黄

各一兩

右切猪膏二升半煎三上三下膏成絞去滓傅瘡口

中摩左右日三

莽草膏 治癰疽敗壞生肉

莽草 當歸 韭白 黃芩去心 甘草 白芷

大黃

續斷

各一兩

猪脂

二斤

右除猪脂外剉碎先熬脂令沸下諸藥煎候白芷赤黑色以綿絞去滓釐合盛塗瘡日三次

芍藥膏 治癰疽惡肉瘡蝕盡生肉

芍藥 大黃 黃耆 獨活去蘆頭 白芷 當歸各一

兩 韭白

三分

生地黃

一兩半

猪脂

一兩半

右將八味剉碎先熬脂令沸下諸藥煎候白芷赤黑
色綿濾去滓每取少許塗傳瘡日三五度

硫黃散 治癰疽瘡蝕惡肉

硫黃

研

馬齒莧

研

蔞茹末

丹砂

研各半兩

麝香

研一錢

雄黃

研

白礬

研各半分

雌黃

研五錢

右合研勻每用少許傳瘡日三兩次以惡肉盡為度
千金翼無白礬雌黃有藥蘆膏和傳之又療癰疽無
丹砂廣濟方療癰腫膿潰瘡中有紫肉破不消以此

散傳瘡內蝕之

藜蘆散 治癰疽蝕惡肉

藜蘆

真珠末

各半兩

硫黃

細研

馬齒礬

燒

令汁盡

雄

黃

三分
細研

麝香

一分
細研

藺茹

一兩

右為細散每日二三上用少許傳瘡一法無真珠

劉涓子療癰疽先宜傳大黃食肉膏千金方食惡肉散

後用大黃附子等十物者乃是次兌膏方

當歸

芎藭

白芷

各二兩

烏頭

一兩

松脂

二兩

巴豆

十二

枝去
皮 猪肪二升

右咬咀內膏中微火合煎三沸已內松脂耗令相得
以綿布絞去滓以膏著綿絮兌頭大瘡雖深兌之膿
自出就兌盡即生善肉瘡淺者不足兌著瘡中日三
惡肉盡即止

柳膏方 治諸瘡差後瘡癰努肉未消瘰癧風結等疾
宜貼

柳白皮

五斤

楸皮

五斤

木通

一斤

枳殼

半斤

皂莢

一斤

木香末

三兩

右藥細剉以水八斗煮取汁一斗去滓移於小鍋子
中下木香煎七升去滓又移於小鍋中以慢火煎攪
勿住手鍊如錫然得成圓即住以油帛裹收之每日
塗於帛上貼之取平復為度

消蝕散 消蝕惡肉淫虫朽骨先用洗瘡方然後傳此

明白礬

入銀鍋內瓦蓋
煨令性盡一兩

綠礬

煨熟

雄黃

乳香

好

胭脂

遠志

水浸取肉
焙各二錢

右為細末蜜水研膏傳惡肉上麻油調亦得

白礬散

治發背癰疽及惡瘡不生肌肉敗壞其色黑

蝕惡肉

白礬

研半兩

蔞茹

末一兩

膩粉

研一分

雄黃

研

當歸

末各一兩

右合研勻取少許傳瘡日三次

桑皮散

治瘡口有熱攻焮作痛赤爛淫汁

桑白皮

新者一兩

苦參

槐花

天花粉

右為細末乾摻仍煎苦參桑白皮湯盪洗瘡者加檳

椰輕粉

麝香膏

治發背癰疽及諸惡瘡生惡肉

麝香

研

雄黃

研

珍珠

研各

一兩猪脂

量

用

右研勻猪脂調如糊塗傳惡瘡上日再

蘭茹散

療癰疽敗壞

蘭茹

漆頭者

礬石

各二分

雄黃

研

硫黃

各二分

分

右為散內瘡口中惡肉盡止勿使過好肉也

消蝕方

積猪糞

臘月收燒存性一兩

雄黃

鷄心檳榔

各二錢

右為細末濕者摻乾者麻油輕粉調抹蝕惡肉加蘭

茹

檳榔散

治癰疽瘡癤膿潰之後外觸風寒腫焮結硬

膿水清稀出而不絕肉腠空虛惡汁臭敗瘡邊乾急

好肌不生及療疔癰惡瘡連滯不差下疳腫瘡侵潰

不飲以麻油調傳

一名生肌散

檳榔

黃連

去須切

木香

各等分

右為細末每用乾貼瘡若瘡潰爛傳了更以常用膏藥或云凹膏貼之聽膿水自出若用此藥傳後瘡口未飲用白芨末輕粉少許和勻傳即得速効

一名木香散瘡

口父可飲加當歸一錢貼之

治癰疽蝕惡肉

雄黃

礬石

燒令
汁盡 藺茹 各一兩

右為細末每日二三上可瘡傳之

又癰疽方

白芷 桑白皮

右煎湯洗以桑白皮末搽効

治癰疽腫惡肉不盡者方

蒴藿

一作
藿灰

石灰

肘後作
白炭灰

右各淋取汁合煎如膏成傳之食惡肉亦去子黑此藥過十日後不中用

潰死肉藥

炊飯尖

三等各
半兩

一等半兩入巴豆二個 一等半兩入巴豆三個
一等半兩入巴豆五個各熬作白槌子

右先用二巴豆內瘡如不潰再用三巴豆又不潰用
五巴豆者再用丹砂炒紅色摻瘡口追出清水其惡
肉未盡至追出赤水是惡肉盡更用三聖散貼上用
膏藥傳之

藥蛆方

可單以皂礬飛過乾貼其虫即死

雄黃散 治瘡有惡肉不能去者

雄黃

一錢研

巴豆

不去皮研一個去皮半錢

右再同研如泥入乳香沒藥各少許再研勻細少上惡肉自去矣

治癰腫惡肉不盡者

用生地黄汁煎如膏作餅子貼之日四五度

癰疽生臭惡肉者

以白蘭茹散傅之看肉盡便停但傅諸膏藥如不生

肉傳黃耆散
藺茹黃耆止一切惡肉仍不盡者可以
七頭赤皮藺茹為散用半錢和白藺茹散三錢以傳
之

食惡肉膏 治癰疽及發背諸惡瘡去惡肉方

大黃 芎藭 莽草 珍珠 雌黃 附子

生用各一

兩白飲

礬石

黃芩

藺茹

各二兩

雄黃

半兩

右咬咀以猪脂一升半煎五六沸去滓內藺茹礬石末攪調傳之瘡中惡肉盡乃止

治諸瘡胬肉如蛇出數寸

用硫黃一兩細研於肉上薄塗之即便縮

芡萋散

黃耆

四兩

皂角刺

八兩紅者拍研

甘草

六兩

牛膝

二兩

黃芩萋

十個

右用蜜一斤旋入鐺內炒至紫色見風吹脆為末有滓再炒為末酒調下二錢

諸瘡生肌肉

附論

瘡毒能化膿血而按之內虛肌肉不平者熱氣雖盡寒

氣不除經絡不足以溫之故也若不速治則復生惡肉
變為冷瘡此宜內溫其氣血外溫其皮肉內外得溫則
新肌自生惡液盡去無不差矣

方

黃耆膏 療癰疽瘡生肉

黃耆 細辛 生地黄 蜀椒 當歸 芍藥 薤白 白芷

芎藭 丹參 各一兩半 猪膏 一兩半 甘草 薤蓉 獨活 黃芩 各一兩

右以苦酒一升二合夏月漬一宿冬月二宿微火煎

三沸煮酒氣盡成傳之忌海藻菰菜生葱菜蕪荑
生肌膏 治諸癰疽去膿血後虛困

黃耆

當歸

各三分

生地黄

一兩半

防風

去叉

大黃

芍

藥

黃芩

去黑心

芎藭

續斷

附子

生去皮臍

白芷

甘草

細辛

去苗葉各半兩

猪脂

二斤

右除猪脂外並剉碎先以醋半斤拌一宿入脂以瓷
器盛於甑上蒸半日以綿絞去滓瓷合盛取塗傳瘡
上日兩三次

芎藭散 治發背癰疽已潰暖肌生肉

芎藭一兩 當歸切 人參 防風 桂去粗皮 厚朴去粗

皮生薑 白芷 芍藥 甘草炙 黃耆剉 桔梗剉

兩

右為散每服二錢溫酒調下日三服

生肉膏 主癰疽發背已潰令生肉方

甘草 當歸 白芷 薤蓉 細辛各二兩 烏喙六分

生韭白二十莖 乾地黄三兩 蜀椒二兩 蛇啣一兩

右咬咀以醋半升漬一宿次入猪膏三斤煎令沸三
上三下膏成塗之立瘥一法用續斷一兩無以蛇啣
替之

猪蹄湯 治癰疽發背

黃耆

黃連

芍藥

各三兩

猪蹄

一具治如食法

黃芩

二兩

薑

薇根

狼牙根

各八兩

右咬咀以水三斗煮猪蹄令熟澄清取二斗下諸藥
煮取一斗去滓洗瘡一食頃以帛拭乾貼生肉膏日

二如痛加當歸甘草各二兩

又方 硬瘡生肉

天南星 半夏生 五倍子 鷄內金各半兩 當歸

南木香 厚黃蘗 降真香節 白欬 白芨各二

錢半

右為細末先湯洗後摻藥傷撲通用

千金內補散 治癰疽發背惡肌不盡能消肌生肉

當歸 桂心各三兩 人參 川芎 厚朴姜製炒 防風

甘草

炙

白芷

桔梗

各一兩

右為末每服二錢酒調空心服不能飲酒以木香湯調下忌海藻菰菜生葱等物

托裏黃耆湯 治諸瘡潰後膿多內虛

茯苓

去皮

人參

官桂

去皮

遠志

去皮

麥門冬

去心

五倍子

炮

黃耆

當歸

各等分

右為粗末每服五錢水一盞半煎至一盞去滓食前溫服

薤白膏 治發背癰疽一切瘡腫排膿血生肌肉

薤白

細切四兩

當歸

切焙

附子

炮去皮臍

白芷

芎藭

續斷

各一兩

細辛

去苗葉半兩

黃耆

剉一兩半

豬脂

三斤

右除豬脂外細剉碎以酒半升拌一宿先熬脂令沸次下諸藥煎候白芷赤黑色以綿濾過瓷合盛每日三兩次取塗瘡上

茶蠟丸 治諸瘡潰後

以鎔蠟和好茶捏尖丸塞其孔中又以牛角內粉屑

夾天花粉真蚌粉乾摻消毒生肌

硬瘡生肌方

降真香

一兩紫赤大片者油處更好

桑白皮

新者

半夏

生各兩半

乳香

當歸

五倍子

各二錢

右為細末乾摻

針頭散 能去死肉生肌

輕粉

半錢

射香

半錢

信

半錢

乳香

半錢

蟾酥

半錢

銅碌

半錢

右同研細末紙然紙藥在瘡口內

白芨散 生肌住痛止血收瘡口辟風并治金瘡血不

止

白芨 白欬 烏魚骨 紫參 黃芩 龍骨

已上

各三分

右為細末每用乾摻瘡口上有神効

生肌散

黃連_{錢三} 蜜陀僧_{半兩} 乾胭脂_{錢二} 雄黃_{錢一} 棗豆粉_{錢一}

粉一錢

右為細末以漿水洗過然後却用無垢軟綿搨淨用此藥貼之

地黃膏 治諸瘡不合生肌

生乾地黃

三分

白芨

白欬

甘草

生剉各半兩

白芷

三分

猪脂

半斤鍊

右除猪脂外搗羅為末入脂內熬成膏候冷日三四上塗之

生肌膏 治一切瘡生肌及金瘡不合

白芍藥

乳香

研

胡粉

乾姜

炮各一兩

油

四兩

蠟二兩

右除油蠟外搗羅為末，鎔油蠟相和煎如膏，候冷貼瘡上，日二換之。

桃紅散 歛瘡生肌定血辟風邪

滑石

四兩研

乳香

輕粉

各二錢

小豆粉

一錢

一方改

定粉

米一兩

寒水石

燒三兩

右為細末，每用乾摻血不止者，和燈草貼瘡口上，以帛封之。

桃花散 治收斂一切惡瘡口不合者生肌及耳中膿

瘡

硃砂 乳香 乾胭脂 各一兩 水銀 麝香 各半兩

右先研硃砂細後入水銀再研無銀星為度後入次藥同研極細宜用帛子先展淨耳內膿吹藥在耳

金針散 治一切惡瘡去毒生肌

金蜈蚣 一對 膽礬 一錢 銅綠 半錢 麝香 膩粉 各半字

右研細每用三針開紐瘡口每日一二次

白龍散 治生肌止痛及耳中瘡痛

滑石一兩 硼砂三錢 輕粉二錢 寒水石四兩 燒烏賊魚骨

研一兩

右為細末每用乾摻耳中痛者油調如糊滴絃於耳

中痛立止

金花散 生肌止痛

蜜陀僧 花乳石火煨過 乳香一錢 膩粉三錢

右研為細末每用摻貼瘡上

檳榔散 治諸瘡生肌飲瘡口

檳榔

生為末

寒水石

炭火燒紅去灰
細研各半兩

龍骨

白欬末

白芨末

各一分

右再研勻每用薄摻瘡內次以諸膏藥貼

烏賊魚骨膏 治瘡生肌

烏賊魚骨

末

舊船縫石灰

各研一兩

鉛丹

二兩半

油

八兩

香

研一錢

右先熬油沸次下船灰烏賊魚骨末鉛丹以柳篦攪

候變黑色即入麝香更攪令勻稀稠得所以瓷合盛薄紙貼日兩次

綿紅散 治瘡腫生肌肉定疼痛

寒水石

火煨如粉二錢

定粉

龍骨

搗研

乳香

各一兩

乾胭脂

看多少入粉令紅色

右用研為細散傅入瘡口中用紙貼之

乳香散 治瘡口中痛甚

滑石

一兩

乳香

沒藥各五錢

腦子

少許

寒水石

一兩

燒紅

右各研為細末同和勻傅瘡口上

治惡瘡死肉錠子

巴豆

一錢去皮油

五靈脂

二錢

溜丹

二錢

枯白礬

一錢

右為細末以糊和為錠子入瘡內用之

生肌散

寒水石

二錢

黃丹

半錢

龍骨

七錢

輕粉

一錢

右先敷上次貼乳香膏

生肌散 治一切瘡生肌肉止疼痛化膿消腫

黃蜀葵花

焙乾
半兩

乳香

研一分

不灰木

一兩

白欬

一分

右為散先用溫甘草水洗過瘡乾摻瘡止三次

治瘡口不合生肌方

鷄內金

陰乾

檳榔

剉

木香

黃連

去須
等分

右為末貼之取差為度及治金瘡

生肌欬瘡口

木香

檳榔

黃連

洗去
鬚

白芨

右各為細末傳瘡即合一方加輕粉少許和勻即効

生肌散

老狗頭生腦骨

截碎生瓦煨透二兩

桑白皮

新者一兩當歸

二錢半

右為末麻油調傅瘡深則摻傘紙護之

桃紅散 貼瘡生肌止痛

滑石

一兩

赤石脂

三錢

黃丹

二錢

右同為細末乾貼

糝藥 治諸瘡口膿水不乾

白龍骨

二分

寒水石

三分

號丹

飛一分

右為細末乾貼瘡一料以六分為率

生肌散

傳癰疽瘡毒即生肌

方見本門發背類

右為末生麻油調傳自通聖萬金神異白玉櫝連替生肌凡七方是一家行用均濟三因皆良藥也

療瘡生肌

以五月五日採紫萸葛葉鹿活草槲葉芍藥地黃葉蒼耳葉青蒿葉合石灰搗為團如鷄卵暴乾末以傅瘡大有効

桃紅散 治諸瘡生肌肉

鉛丹

炒半兩

白欬

為末一兩

右同研為細散每用少許瘡上摻乾後貼膏藥

乳香餅子 治瘡止痛生肌肉

乳香

麒麟竭

沒藥

並細研各等分

右再同研令勻細以狗膽和成膏捏作餅子如榆莢大每用時看瘡大小以餅安瘡上外用膏藥貼之

生肌散 治諸惡瘡瘡口生肉頗遲者

牆上多年白蜆殼

火煨通赤去
火候冷研

草魚名異為蜜陀

僧

火煨過
各一分

右更入麝香少許同研令勻細每用少許搽瘡口上

外食散 治癰腫惡肉不盡膿水淋漓傳此能生肌長

肉

好染坯

血竭

各一兩

白礬

銀鍋內用瓦蓋
煨令性盡一兩

右研細用桑葉旋搜為膏量瘡大小貼之忌鯽魚酒

麪毒物等

桃紅散 生肌肉歛瘡

定粉

二兩

乳香

半兩

龍骨

烏魚骨

去皮微炙黃色

白石脂

各一兩半

黃丹

微炒二分

寒水石

火燒通赤秤七兩

右同為細末再研極細每用藥少許乾摻患處

王不留行散 治癰疽發背一切瘡腫已潰出膿血暖

肌生肉

方見諸癰類王不留行散

鯪鯉甲散 治發背癰疽等瘡疼痛肌肉不生

方見諸癰類鯪鯉

鯪鯉甲散

桃花散 治一切瘡生肌藥

白芨 白欬 黃栢 黃連 乳香別研 香別研 黃

丹各等分

右為細末摻於瘡上三二日生肌平漏

翠霞散 治百雜惡瘡去毒生肌

銅綠半兩 輕粉二錢 片腦 麝香各三分 粉霜一兩 滑石一兩

右為細末每蘸藥紐瘡內以膏藥貼之或滑石二兩
名二聖散量其淺深輕重用之

欽瘡口大効

蛾繭兒

白礬少許黃丹少許

右為和勻裝在繭內用泥略裹燒紅去泥用繭灰為

末貼瘡

紅玉散 欽瘡口生肌肉止疼痛去惡水不問日近年

深並治之

寒水石

炭火燒通赤候冷細研二兩

黃丹半兩

右同研細乾摻瘡口內後用萬金膏貼每日一上再

上尤妙如瘡腫硬難消單用煨過寒水石細末水調少許塗在腫高處後用萬金膏貼之每日一上用此藥之後腫硬便軟結瘡頭更用七聖散於膏藥週迴掃之如瘡破惡肉未化作痛肌肉未生者即用火煨過寒水石三兩研細入膩粉半錢麝香一字同研細每用少許摻惡肉處却用萬金膏貼之每日一上如瘡內膿多每日二上

治諸般惡瘡生膿多者及瘡疹後膿水不乾貼衣者及

流膿成片難痊逐年復發及熱瘡諸藥不効者悉治之

川黃連

二兩晒乾碾末輕粉少許

右用香油稠調黃連攤於瓦碗內却收艾揉軟燒烟覆碗在烟上熏之以艾三團為度令熱透碗底候覆碗冷再用香油旋化入輕粉勻傳於瘡上日三次三日即平若小兒頭瘡加松香在內同傳尤妙也

治癰疽生蛆者

用新宰猪肺乘熱薄切貼傳虫皆攢肺上頻頻易去
可以盡取

生肌散 治一切惡毒瘡疼痛

白米

一升淘四十九遍

舊皮巾子

一隻

右為甕瓶子內泥固頭以大火燒為灰候冷細研為末日二三次貼

石榴散 止痛生肌

用醋石榴一枚剉作竅子納白礬一兩慢火內深焙

燒半日存性為散貼之取差為度

雄麝散 化癰肉辟臭氣止痛散寒邪乾膿長肉斂瘡

口及治嵌甲

蛇蛻皮

四兩於熨斗內燒留性

雄黃

一兩別研

血竭

二錢別研

麝香

二錢

別研

右為細末研勻每用少許摻患處

真珠散 治一切浸淫惡瘡久不生肌瘡口不斂

定粉

一兩半研

白斂末

一兩

白芨末

半兩

龍骨末

二錢

黃丹

二錢

飛烏賊魚骨末一分

右件同研令極細乾摻瘡上如賺瘡即加乳香二錢

瘡乾以津唾潤勤傳之

欽毒散 治一切瘡潰膿後見瘡口肌肉不生四向紫

黑疼痛赤腫不消

乳香半錢沒藥半錢麝香少許黃丹一錢白礬一錢

別研乾胭脂半兩

右件研勻每用量瘡大小用藥乾摻於瘡口上用膏

藥傳貼或用帛子包裹如瘡口不乾未歛再換

桃紅散 生肌止膿水

寒水石

六錢
煨粉

五倍子

四錢
取末

垆子胭脂

二錢
別研

麝香

一錢

別研

右件為細末用溫水洗瘡淨拭乾摻瘡口內

普濟方卷二百九十

欽定四庫全書

普濟方卷二百九十一 明 周王朱楠 撰

瘰癧門

總論

瘰癧之名巢氏病源載三十六種千金聖惠所論瘰癧九瘰有風毒氣毒熱毒之異瘰癧結核寒熱之殊其本皆由恚怒氣逆憂思過甚風熱邪氣內傳於肝蓋怒傷肝肝傷故今畜結而腫其病多生於頸腋之間結聚成

核初如豆粒後若梅李核累累相連大小無定初覺增
寒壯熱咽項強痛腫結不消者當便服五香連翹湯牡蠣
大黃湯踈下三兩行於上貼十香膏烏犀膏及用淋瀝
腫湯潰毒湯時復淋瀝如此救療即得消散若未消散
可服內消丸或皂莢丸之類漸以求瘥若腫結極硬在
背日月不能內消者久必成膿若腫而稍軟其人面色
痿黃皮膚壯熱上蒸膿已成也可以針決核中令其潰
散則易愈也治法如瘡法于瘡口中用追毒蝕肉錠子

絀之于上用烏犀十香膏貼之及托裏之劑和之經久
不瘥或愈而復發或別自穴膿水透出流津不止肌體
羸瘦者變成九癰內經曰陷脉為癰留連內湊即此病
也可用蒜餅子灸之然後瘡口再用紫金散翠霞散等
於上任貼膏藥求瘥其將護慎治療用法無造次焉凡
人少小以來動輒蓄怒或憂思驚恐抑鬱不伸多致結
核于項日積月累風毒熱氣聚焉於是腫濕開瘡起復
無已甚則牽連至於腋下自腋下而蔓延心胸殆無及

矣發熱增寒煩渴盜汗或寒熱往來或不痛其外證治
法無他大抵以地膽斑貓為主蓋瘰癧之毒莫不有
根地膽斑貓治度如法能使其根從小便中出或如粉
片如塊血如爛肉皆其驗耳但梅根之行小便亦必澀
痛當以木通滑石輩導之然是痛必從小便出者何哉
諸痛痒瘡蓋屬於心其或一二流行於大便就快也人
有此患不惟懲忿窒欲謹護燥濕風寒其餘飲食百味
一切戒之然後投方七之劑乃可責効焉日飯蔬食而已

結核在耳後或在耳前或在耳下連及頤頷或在頸下連缺盆皆謂之瘰癧或在胸前胸之側或在兩脇皆謂之馬刀手足少陽主之九頭腫瘰癧痛瘰癧及胸腋脇之間或有瘡痂腫核不消及膿水不止可滄鹽一二兩炒過以長流水一大碗煎之放溫作三五次頓服之訖良久於咽喉中以釵股探引吐之去冷痰三二升服和血脉疎通藥脉內經曰鹹味涌泄為陰同人記少陽起於目銳皆行耳後下脇過耳門瘰癧結核馬刀挾癭足少陽

膽經多氣少血之病也

諸癰癰 附論

論曰癰癰諸病皆由風熱氣毒蘊積臟腑搏於肝筋所致蓋肝主筋毒氣攻於筋脉故隨肌肉虛處停結而為癰癰多生頸腋間其狀結核累累相連如梅李謂之癰癰

方

救苦勝靈丹

一名救苦化堅湯
出溲生拔粹方

治癰癰馬刀瘡挾癰從

耳下或耳後下頸至肩上或入缺盆中乃手足少陽

經分野其瘰在於頭下或至頰車乃足陽明之分野
受心脾之邪而作也今將二證合而治之

黃耆

一錢○護皮毛間腠理虛能活血脉又能補
表之元氣消弱能通和陽氣泄火邪能生血

為瘡聖藥也

人參

三錢○補肺氣之藥如氣
短喘不調有喘者用之也

甘草

炙半錢或

二分○能調和藥瀉火益胃氣其分而不
定者亦能助瘡邪為脾胃疾宜瀉營氣也

升麻

錢一

葛根

半錢○如無去此一味此藥以
錢半真漏蘆上三味俱足陽明裏經藥也

連

翹

一錢○此一味十二經中血結氣聚必此散之
瘡藥中無此藥之神效其性溫涼氣味中聖藥

牡丹皮

三錢○去腸胃
留血滯血也

當歸

錢五

熟地黃

錢五

生地黃

五錢○此三味諸藥中
和血生血涼血藥是也

白芍藥

五分○能補中益
肺氣之虛弱治腹

中痛用也

肉桂

三分○能散陰瘡瘍本有寒因熱又為
寒覆蓋其瘡辛熱以消浮冷之氣或燥

煩者去之陰證
瘡必湏用之也

廣茂

煨五分

柴胡

八分○同連翹用
乃少陽引用也若

無馬刀挾癰瘡是不在
少陽經去柴胡一味

黍粘子

五分○無腫不
用有腫用也

布

五分○其味醎瘰癧若堅硬
者宜用為醎能軟堅也

京三稜

煨五分○瘡
堅硬甚者用

之不甚堅硬
者不可用也

益智仁

三分○如吐沫吐食舌本上
寒者用之無則去之如唾多

者胃之
不和也

大麥蘖麴

一錢○治腹中縮急兼
能消食補胃可用也

神麴末

炒五分○為食
不消化故用也

黃連

五分○治
煩悶用也

一方無生地黃

右同為細末白湯浸和蒸餅和勻捏作餅子晒乾搗如米粒大每服三錢或二錢白湯送下量人病虛實臨時斟酌無令藥多妨其飲食此治之大法也如手足太陽春強動痛不可迴顧腰似折項似拘者加獨活半錢羌活防風各一錢其防風一味辛溫若瘡在膈上雖無手足大陽經證亦當用之為能散結去上部風藥病人拘急者風也○如有熱或足腿無力加炒黃柏五分用如有躁煩欲去衣者腎中伏火也更

宜添加之無此證勿用服藥腹脹者加厚朴五分炒
無則勿用如氣不順加橘皮更加木香如在陽明分
為瘰癧者去柴胡黍粘子二味如在少陽分為馬刀
挾瘰者去獨活漏蘆升麻葛根更加瞿麥穗三分大
抵用藥之法不惟瘡瘍諸疾病量人氣弱者當去苦
寒之藥多加人參黃芪甘草之類瀉火而先補其元
氣假令邪在上中下三處若在上焦加黃芩一半酒
洗一半生用在中焦加黃連一半酒洗一半生用在

下焦加黃栢酒洗知母酒洗防已之類選用之如大
便不通滋其邪盛者加酒洗大黃以利之如因血燥
大便秘乾者加棗仁酒洗大黃如風結燥不行者加
麻子仁大黃如風澀而大便不行者加煨皂角仁大
黃秦朮以利之如風脉澀者有氣澀而使縮者加郁
李仁大黃以除氣燥如寒陰之病為寒結秘而大便
不通以局方中半硫丸或加煎附子乾姜水冷與之
散毒潰堅散

出濟生
拔萃方

治馬刀瘡結硬如石或在耳下

至缺盆中或至肩 upper 於脇下背手足少陽經中及瘰癧遍于頰或至頰車堅而不潰在足陽明經中所出或二瘡已破乃流膿水並皆治之臨臥時服藥斟酌病人飲食多少大便軟硬以意料之

草龍膽

半兩酒洗炒四遍剉

甘草

炙半錢

升麻

六分

柴胡

半錢

桔梗

半兩連翹

三錢

葛根

白芍藥

黃連

各二錢

昆布

半兩

知

母

酒洗二次半兩

當歸

稍半錢

桔萎根

半兩剉細酒洗

黃芩

稍一錢

酒

洗炒一兩半生用

荆三稜

三錢酒洗微炒

廣茂

三錢剉酒洗炒

黃栢

酒炒四兩

兩

右吹咀每服六錢或七錢水二盞先浸大半日煎至一盞去滓服於臥處伸足在高處頭微低每嚥一口作十次嚥至服畢依常安臥取藥在胃中停蓄也另攢半料作細末煉蜜為丸如菉豆大每服一百丸或一百五十九此藥湯留一口送下更加海藻半兩炒

鸛骨丸

出聖惠方

治癰瘰

鸛骨

狸骨

並炙

射干

玄參

升麻

炙

青木香

沉香

犀角

丁香

羚羊角

屑

丹參

甘草

各炙

錢人參

沙參

各三兩

獺肝

分六

連翹子

分六

光明砂

分三

研即好
并砂

右搗篩蜜丸以飲服十五丸日二服漸加至二十丸
空心服之取利忌生冷油膩血食并鮓熱肉海藻菰
菜粘食陳臭物一方有麝香

黑牽散

一名神秘散一名大聖散一
名牽牛丸出仁賢直指方

治療癰經年不

瘥

斑猫

不拘多少去頭足糯米炒令黑色米黃為度
去米就地隔紙出火毒研為末留末於空隙

時服

殭蠶

棟直者炒去絲

黑牽牛

用頭末

荊芥穗

上三味各自為末等

之分月

右每服斑猫末一錢殭蠶牽牛荊芥穗共一錢每作服調為一盞如遇此疾隔日晚飯勿食令心空先以荊芥湯調滑石末二錢重服一盞至一更再服一盞少頃用無灰酒調前四味服一盞畢便臥若小便不以溺器盛之如涕如塊為驗看項上生幾瘰小便中出幾塊大抵如鼠形者多數或不足依前再服倘小

便澀甚燈草煎湯調琥珀末服一二錢惡物即下荆芥調滑石末亦可如仍澀不通用生料五苓散黑豆湯調服亦可有孕婦人不可服服後小便閉澀只服燈草調琥珀一盞再用下後藥瘡未破者用桑椹不拘多少捻破紐汁入磁器內熬成膏子滴水不散為度却用膽礬煨炒研細等分與桑椹膏同剉攤紙上貼瘡已破者用辰砂膽礬研末微摻上忌熱毒風物瘡破不愈者用敷貼藥各半錢重

蜘蛛 斑猫 紅娘子 水蛭 地膽 芫花

各半

錢

右燒新瓦熱焙藥乾研為末先用葱白湯洗瘡淨軟
絹帛拭乾以好米醋調藥末敷上日用三次瘡水盡
用生肌藥

血竭 龍骨 乳香 明礬

煨過

石膏

煨過

黃丹

以上各一

錢

右研為末候瘡內黃水膿血盡乾摻自然生肌為

效

化毒散 治療癰

當歸 白芍藥 赤芍藥 知母 苧麻根 白

膠香 甘草 貝母 秦朮 生地黃 敗龜

柴胡 前胡 官桂 熟地黃

以上各一兩

右㕮咀每服半兩水二盞生姜三片棗子二個煎至

七分去滓溫服

此胡湯

出聖濟總錄

治療癰

茈胡

去苗

荊芥穗

秦艽

去土

知母

當歸

桂心

藿香

去梗

甘松

敗龜

醋炙

烏頭

炮裂去

地骨皮

楓

香脂

白芍藥

各半

苧根

濕秤二

芎藭

一兩

芎藭

一兩

右並洗淨曝乾為末每服三錢以水一盞生姜三片
大棗三枚同煎七分去滓溫服早晨午食後夜臥各
一服

薔薇丸

出千金方

治身體有熱氣癰瘰及常有細疥并口

中生瘡

薔薇根

三兩

黃芪

黃芩

鼠李根皮

桔萎根

芍藥

苦參

石龍芮

防風

一作防已

白欬

膽龍

一作龍胆
各一兩

梔子仁

四兩

右為末蜜丸如桐子大米飲下十五丸日再一方有

黃栢一兩

槐角煎丸

出瘡科
精要

治瘡瘍瘰癧赤腫等瘡

天麻 川芎

甘草

黃藥子

甘菊花

人參

各一兩 何首烏

苦參

各一兩半

防風

荊芥穗

各二兩

槐

角並仁另放皂角

不蛀者各四兩水一斗煮軟橘汁去滓熬成膏子其皂角取肉研入膏為度

右除皂角膏外槐仁與諸藥為末入膏內搜和煉蜜

九如豌豆大每服五十九食後竹葉湯下

立應散

出仁賢直指方

治漂癰已破皆可服

連翹 赤芍藥 川芎 當歸 川烏尖七箇 甘草

炙滑石

研各半兩

黃芩

三錢

白牽牛

生取用

土蜂房

蜜水洗飯上蒸

日乾各半錢地胆去頭翅尾秫米炒黃為度三錢

右為末每服水一盞濃煎一錢木通湯下臨臥毒根

從小便中出如粉片塊血爛肉是也如未效後再服
繼以薄荷湯解其熱毒風且地胆性帶毒濟以烏尖
或衝上麻悶不能強制嚼葱白一寸茶清下以解之
如小便澀燈心煎湯調五苓散服瘡處用好膏藥貼
若療癰疽用此宣導惡物本方去黃芩不用

荔枝膏 治癰癰

荔枝肉 一輕粉 麝香 川芎 白豆蔻 砂仁

錢各半 硃砂 龍骨 血竭 乳香 錢各一 全蝎 錢五

右將荔枝肉碎搗煆軟米飯和為膏看瘡大小攤貼

如有三五箇者止去却為頭者妙

烏蛇丸

出聖濟總錄

治療癰諸病

烏蛇

酒浸去皮燒灰

白殭蚕

燒灰

光青

三對與斑貓同炒

昆布

細對

麥炒乾蝦蟇

一箇燒灰

大黃

濕紙裹煨

連翹

半兩

斑貓

半兩糯米炒黃去米

雄鴿糞

取淨者一合用

皂子

一百粒揀圓熟肥好者熨斗內燒存性

右為末煉蜜和丸如桐子大每服七丸加至九丸茶

清下空心晚食後各一服成瘡者不過四十日內消

乾其效皆勝于轉瀉及小便內下者

皂角丸

出聖濟總錄

治諸癰

猪牙皂

七根三根炮二炙二生並去皮一處椎破又用溫水浸七晝夜每日揉一遍去滓絹

瀝熬如糊

母丁香

四十箇

龍腦

研麝香

研各半錢

漏蘆

去蘆頭

木

通

劉

紅娘子

去頭足

蘇枋木節

劉

滑石

各一錢

粳米

少許

右除皂角外搗研為末都入皂角膏中更和寒食麪少許為丸如菉豆大每服十九丁香水下空心食前日三四服服時不得見日此藥內消不吐不利

惡實丸

出聖濟總錄

治諸瘰癧不限年久日近或已破或

未膿及諸癰腫瘡並皆治之

惡實

四兩炒

麝香

半兩

大黃

三兩煨

牽牛子

一兩半一半生一半炒

薄荷

各二兩

漏蘆

去蘆頭剉

右為末用羊頸骨打取髓煎濃汁作大麥麪糊為丸

如梧桐子大每服十五丸日午臨臥嚼薄荷湯下

替針丸

出瑞竹堂

治一切瘰癧惡瘡

龍腦

二錢

麝香

半錢

輕粉

一錢

雄黃

一錢

白丁

香

二錢
直白

金脚信

二錢

巴豆

十箇
去心膜

粉霜

壹錢

右為末大麥麩為丸如小麥粒大若用時覷瘡大小
加減用如瘡破者兩丸瘡小不破者一九用砭針破
出血盡絀藥後用黃蠟封於針口如瘡腫者不妨不
過三日自消

遇僊無比丸

出瑞
竹堂

治瘰癧

白朮

生

檳榔

生

甘草

生

牽牛

一半生

炒

蜜陀僧

防

風

郁李仁

湯浸
去皮

斑猫

糯米
炒去皮

凡

翅

不用

以上俱各等分用

右為末麪糊為丸如桐子大早晚煎甘草檳榔湯下
每服二十九至月後覺腸中微痛如小便中取下瘰
子毒物有如魚目狀已破自合未破自消

連翹丸

出聖濟
總錄

治癰瘻項如連珠

連翹

防已

羌活

去蘆

木香

梔子仁

芍藥

各二

兩玄參

五兩

大黃

一兩

右為末煉蜜為丸如桐子大每服二十九食後溫水
下

內消散

出德生堂

治癰已未破者內自消

大黃

兩半

木香

錢二

連翹

兩半

丁香

錢三

梔子

錢四

沉香

錢一

藥

錢二

薄荷

錢二

甘草

錢三

黃芩

錢三

黃芩

錢三

黃芩

右吹咀每服五錢水盞半煎七分食後臨臥服入麝

香一錢同煎三五服瘡病人實者加朴硝三錢虛者

一錢半再煎溫服十日後再進一服後却用大蜘蛛

一箇活爛研好酒一盞調用絹帛濾去滓殼服之即

日內消

治癰已破者

出德生堂

巴豆七箇 蝦蟆

一箇將巴豆放蝦蟆內將腳室中吊一宿用桑柴火燒存性

黑猪

胆

一箇石灰放胆內陰乾急焙乾等用

陳年石灰

炒黃一錢

乳香一錢 輕粉

半錢 黃丹

一錢磁器內炒不見鐵

右為末於瘡口上輕摻口噙將水洗淨用軟帛浥乾

貼藥

神聖大易膏 治癰兼治十種惡瘡

小油

半介

生地黃

當歸

川芎

上各四兩

赤芍藥

四兩 黃

丹 香白芷

四兩

四兩

右為麤末擇水日將上件藥末油浸一宿用文武火熬過以淨好綿濾去滓再熬黃丹一錢旋旋點之用槐柳條攪截焦頭再熬盡黃丹為度滴水成珠使用

治癰癤

出儒門事親

斑猫

去頭足翅

赤小豆

白僵蚕

苦丁香

白丁香

磨刀泥

一方有秋石磨刀泥

右等分為細末十歲以上服一錢二十以上服二錢

五更新汲水一盞調下至辰時見效女人小便見赤
白三兩次男子大便見土白色立效當日服粘粥不
得吃別物大忌油膩患三四年者只一服七八年者
再一服

香藥丸 治療癰

硼砂 乳香 沒藥 半夏 輕粉 赤石脂

各等分

右為細末糯米粉為丸如桐子大每服十九加至二

十九臨臥皂角子湯下

治療癰

出儒門事親

蟠龍肚腸

炮乾用

鱉殼裙襴

炮

川棟子

五箇

牡蠣

大

黃牛蒡子

燒存性

皂角子

五十箇

右為細末蒸餅為丸如菉豆大每服十五丸食後艾

湯下日三

治療癰 先於瘡上灸三壯然後用藥清作瘡口用

新活鱔魚截長一指大批開就掩在瘡口上少時覺

瘡內痒急揭起魚靨上有細蟲如馬尾一節蟲出如捲三五次取盡虫子後用欬瘡口藥

龍腦

錢一

麝香

錢半

乳香

錢一

雄黃

輕粉

錢各半

右為末水糊為丸如小麥大每用一九二丸紐在瘡

口內覺腫痛效

紫金丹 治癰子瘡

硼砂

輕粉

紫粉草

錢半

麝香

錢半

信

錢一

分一

右為細末用蘘水葱白湯口噙洗瘡淹乾瘡然後貼

三日洗貼三遍見效

追毒尉

出王氏
溥濟方

治癰子神效

丁香根

麝香

研一錢

葇荂子

五十粒

雄鼠糞

七粒兩
頭尖者

以麝兩匙炒令
黃去麝等用

槲皮

三斤去粗皮槌碎細剉以水
二斗煎取四升濾過重煎候

成膏人
諸藥

斑猫

三枚去足翅以糯米
半合同炒去米不用

右除槲皮外搗研為末煖槲皮煎令溫和諸藥攪勻

貯磁瓦器內每服匙許空心以溫酒一盞調下臨時

視病人虛實及肥瘦加減斟酌用之服了仰臨臥須

更即吐出若病根年深者如蝦蟆衣魚腸相似近者
若息肉吐了以溫水漱口喫粟米淡粥補粳米亦可
忌一切毒物餘不忌

皂莢丸

出聖濟總錄

治療癰

皂莢

五挺去皮用酥
二兩旋塗灸

薄荷

乾葉

生大黃

剉

防葵

各二兩

膩粉

少許研

鷄子

二枚煮熟
取黃等用

右為末別將皂角五挺生椎碎以水一斗揉取汁羯
羊肉半觔去筋膜以皂莢水熬成膏和藥末丸如桐

子每服十九食前米飲下日二

治瘰癧

廣木香 青木香 黃丹 寒水石 輕粉

各半兩

一兩

半錢

白礬

半兩研

人言

一錢研

龍骨

一錢研

銅錢

一箇次燒紅為末

麝香

少許研末

右為末以獨蒜泥和為錠如小麥大如瘡有眼納進
錠子一箇蠟紙封無眼同蒜泥調紙封

治瘰癧

斑猫

二十四箇去頭足
翅用糯米炒黃色

滑石

五錢
防風二錢

穿山甲

五錢

麝炒黃色
不用熬

琥珀

三錢
真的

右為末每服三錢空心米飲湯下早晨用藥至飯時
一服毒物自下如瘡破用桑條水洗之無糲絹搥乾
後用打銀燥灰研細貼之

治瘰癧

出危
氏方

五倍子

海螵蛸

檳榔

雷丸

各一錢

麝香

半錢
研

五靈脂

一錢

右為末乾用清油條搽濕則乾摻

內消方

出聖濟總錄

治瘰癧

人參

去蘆三錢

滑石

各半兩

丹砂

研一分

麝香

研半錢

斑猫

四十

枚去頭及糯米炒黃為度去米

右為末散每服三七溫酒調下

生肌散

治瘰癧

白石脂

二錢

生白礬

三錢

黃丹

一錢

龍骨

二錢

麝香

研二分

輕粉

半錢

右為末每日二次乾搽在瘡口上

三物散

出聖濟
總錄

治療癰

紅娘子

六十枚不要
折去翅足

大黃

半兩
劉

陳粟米

一合無即
以新粟米

右同炒令米黃為度共為細散初服一方匕每日空心調酒下第四日後服半錢匕及五七日覺腹下疼小便澁勿怪是藥驗也更服後藥

青橘皮

湯浸去
白焙

虎杖

等分

右為末以醋煮麵糊為丸如菉豆大每服五九至七

丸用青橘皮湯下前散藥相間食後臨臥服日二次

用貼藥

貼瘰癧方

出聖濟
總錄

用砒黃信州者細研滴濃黑汁為丸如桐子大於銚
子內炒令乾後用竹筒子盛每用時於患處灸破或
挑破將藥半丸敲碎貼之以自然蝕落為度覺藥盡
時更貼少許

輕粉丸

出聖濟
總錄

治瘰癧此丸先服

烏鷄子

一枚去黃取白盛于盞內膩粉一錢半巴豆七粒新者去皮心與粉同入鷄子內蒸

熟取于乳鉢內研令勻別用膩粉三錢匕於手掌中以病人津唾調和前藥為丸如棗豆大

右每服五丸荊芥薄荷茶下黃昏時服至一更如未轉更以薄荷茶投之若腹痛先取下一次第二次以水盛取見病根惡物出也或患年深只可三度轉出盡惡物其項漸小不得出風一月將息後用補藥

人參 玄參 苦參 白藥

右等分剉焙為麤末每服一錢七水一盞煎三五沸

去滓溫服如瀉不止用黃連乾姜各一錢煎服不過三五服便止如瘡口未破用后膏藥自消

夏枯草

兩半

右為末用粟米少許將酒煮成稀粥濾去滓取濃汁入煎藥調勻為膏塗于帛上子貼之不得動換瘡口

永瘡

托中散

出聖濟
總錄

治療瘰癧此先服

黃耆

劉一
兩

甘草

各半
兩

右為散每日食後湯服一錢匕三日二服次用取藥
取瘰癧方

麝香

研一錢

砒霜

研半錢

龍腦

研一錢

斑猫

十枚去足翅

蟾酥

十枚如
松子大

右研為末用白麪一錢以水和勻青黛為衣每用相
度瘡口大小仍燻灸三壯候瘡發用藥切宜少使

淋洗瘡口方

五倍子

一兩半
礬石

兩半

右為末每用二錢七沸湯一碗調勻淋洗湯溫即止
每淋洗了用軟帛裹乾用生肌藥摻於瘡口上

雌雄散 治療瘰癧經驗

斑猫

一雌一雄足翅全者用
新瓦焙乾去頭足翅

貫衆

二錢

甘草

各半兩

鶴虱

半兩

右細末作兩服飽食後好茶濃點一盞調下一方五
更初茶清下至天明不動更服半錢如小便澀痛效
更不要服大忌毒物

洗傳方

用白芷煎湯泡荊芥候溫軟帛蘸洗拭乾好膏藥貼
濃汁惡物出盡更用

半夏

生二錢

南星

研二錢

血竭

研一錢

輕粉

一錢

右細末以津唾調敷

救原斂瘡口方

血竭

一錢研

棗

燒灰用半錢

麝香

少許研

右夾研津唾調敷

治諸瘰疾

硃砂 砒霜 礪砂 馬牙石各等分

右乳鉢內研細麪糊搜和如香附子狀相瘡口大小作之儘送入瘡口中恐腫時用薄荷研細塗之收口了却將大栢皮并白丁香并為末盡入孔中如邊不乾用

江子

乃巴豆也去皮殼不拘多少

右用麻油煎令赤去火氣後去巴豆入蠟合如膏香

瘡口大小塗之將白芨末調水塗瘡上

治癰子瘡

猪指甲

火燒存性
出大毒用

礪砂

少許用

輕粉

火燒存性
出火為細末

沉香

隨意用

右研細末末破清油調敷已破乾搽

一膜散

地膽

斑猫

硫黃

雄黃

右等分為細末搗破患處酸醋調搽

便立丹 治癰等瘡

黃丹 雄黃 龍骨八分 金脚信少許

右為末膿水乾捏餅子葱白湯洗過貼在瘡上

乳香散 治一切瘰癧新久

乳香一錢 砒霜一錢 硼砂一錢 黃丹半錢 紅娘子四十

箇去翅足

右為末糯米粥和成餅子如三錢許厚如小錢裏圍大破瘡上白麵糊如不破者炙七炷大者不過一月

其瘰癧核自下却後用欬瘡生肌藥黃蘗不拘多少
為末麵糊塗之

連翹湯 治馬刀

大黃

三兩連翹

瞿麥花

各一兩

甘草

二兩

右咬咀水煎服後十餘日可於臨泣穴灸二七壯服
五六十日方效在他經者又一方加大黃木通五兩
知母一作貝母五兩雄黃七分櫛柳半兩去甘草不
用同前藥為細末熟水調下三五錢服之

治癰子瘡

木香

一兩連翹

貝母

白芷

各三錢

右為末食後臨臥茶湯調下

平肌貼療癰膏

乳香

燈心灰

黃丹

定粉

各半兩

右用麻油四兩煎成膏子貼之

治癰并馬鼠瘡方

銅錄

斑猫

砒霜

各等分

右為細末醋糊為丸如鼠糞大每用一錠子作三丸
納於瘡口上以膏貼之乾亦妙

三聖丸 治癰癰

丁香

五十箇

斑猫

十箇

麝香

不研一錢

右為細末鹽豉五十粒浸如泥和前藥令勻丸菰豆
大一服五七丸食前酒下日三服五七日外覺小便
澁淋是藥效便加服或便下青筋膜即病之根忌麵
魚內動風物

治癰子瘡

木鱉子

十箇帶殼搗碎

生山藥

大者去皮三寸

大蒜

一箇去皮

右為細末如癰久已破先葱白椒湯洗帛子拭乾敷藥一指厚外用油紙封之數日自愈連藥魔掀下亦無痕未破者不須水洗貼散之

裏托散 治癰子瘡

黃耆 甘草 金銀花

右等分研作五分每服酒一盞水一盞煎至一盞去

滓食後服之

內消散

出聖濟
總錄

治療癰

芎藭

一兩
剉

白僵蚕

直者
炒

甘草

炙剉各
半兩

右為末每服一錢蜜水調下食後日三服

三神丸

出聖濟
總錄

治療癰

斑猫

一分
半

石決明

一枚
麝香

研一
分

右將前二味為末和粥麪少許搗成劑入麝香再研
丸菴豆大每服五丸臨臥生姜湯下

蓖麻子丸

出聖濟總錄

治療癰

蓖麻子

一千顆揀半生用
无内炒令煙起

礬石

一兩瓦上鎔三
五復故冷研

黑

豆

六顆三粒生用
三粒无上炒熟

右不許犯鐵器一處細杵勻爛丸如皂角子大每服
一丸鹽湯下女人醋湯下不拘時

禹餘糧飲

出聖濟總錄

治療癰

餘粉

研二分
作二貼

甘草

一兩半生
半炙搗碎

膩粉

研半公分
作二帖

右將甘草半兩水一升煎半升調禹餘糧末并膩粉各

一貼空心頓服當瀉下惡物未愈再服瀉後以葱粥補之

治鼠癰瘡

本事方有

黃荊子

又名蔓荊子

乳香

甘草

各等分

右為末每服一錢熟湯調食後良久服

又方

黑附子

一箇洗

小便

五升 鹽

三升

右同浸半月日取出將黑附子去黑皮陰乾為末用

黑豆爛煮研為膏九附子末如桐子每服七丸溫酒
早晚下二服

四神丸 治瘰癧無問淺深已破未破並宜服之

荊芥 白僵蚕炒 甘草 黑牽牛

右各一兩為細末好醋糊為丸如桐子大每服三十
丸臨臥食後滑石湯下

如聖餅子 治瘰癧子

雄黃

研半錢

人言

研半錢

乳香

研一錢

右用糯米粥為錠子小麥大瘡有眼如錢眼大貼在瘡口上未破者灸三五壯將餅放在灸處用白芨為膏貼之至一日餘自結痂取下將餅子依前貼

又方

硼砂

三錢
研

白礬

四錢
研

黃丹

一錢

右將白礬化開為汁後將硼砂黃丹下漫火枯乾研為細末每日二次乾摻口上

瞿麥飲子

出濟生
援萃方

治馬刀

瞿麥

半觔
用穗

連翹

一觔

右麤末水煎臨臥服此藥經效多不能速驗宜待歲月之久除也

牡蠣丸

出仁
存方

治癰癰

牡蠣

四兩煨紅地上
出火毒一宿

玄參

三兩
焙

右為末糊丸桐子大早晚食後臨臥各四十九酒下藥將服盡癰子亦除根

專治癰癰及馬刀方

乾薑

一兩

真正銅綠

半兩

右同為末香油調敷於瘡口上先用川椒炒鹽葱白
三味醋漿水同煎一碗至日午時分將瘡淨洗全乾
上藥一日一次大病不過二十餘日瘡自乾

治瘰癧

何首烏

米泔浸一宿
去皮竹刀切

香白芷

各等分

右木杵臼搗為末三兩為率入沉香半兩麝香一錢
勻一服二錢茶清下

治療癰無問淺深已破未破並宜服之

香附子

去毛

香白芷

各一兩

右為末每服一大錢米湯調下白湯亦得

內消丸 治癰子

貝母

二兩

白藥子

二兩

右為細末麪糊為丸如桐子大每服三四十丸溫水

下

皂針散

出聖惠方

治療癰

皂針

一丰不
生子者

惡實

半
觔

右取皂針於盆中燒候火盛時撒惡實於火中燒候
煙欲盡急以盆合之冷定取出為散每服三錢七空
心并華水調下數日利下惡物如膠飭利三五日只
可吃軟粥飯

內消牡蠣丸

出聖濟
總錄

治療癰

牡蠣

三兩煨
過為末

皂莢子

二升取白
水浸一宿

右先將皂莢子以水三升煮令爛取出瓷盆內研為

膏入牡蠣末為丸如桐子大每服十五丸空心溫酒

下日晚再服

牡蠣散

出仁存方

治療瘰

牡蠣

三兩黃泥固濟煨過研為末用

甘草

炙剉一兩

右為散每服二錢匕空心臘茶清調下日三服仍用

皂莢一挺去皮分作兩截一截使米醋半盞刷炙以

醋乾為度一截焙乾烏頭二枚一炮一枚生炒糯米

三十粒同為末再用醋半盞煎熟和勻成膏貼之

治鼠癰

猫兒頭

一箇
燒炙

麝香一錢

治癰生於頭項上交接名蛇盤癰宜早治之一名海

菜圓

出危
氏方

海藻菜

蒿菜
炒去殼

白僵蚕

微炒去
絲嘴

右等分為細末海藻菜旋研篩湯炮白梅取出內減
半用麪糊為丸每服六七十丸食後臨臥米飲送下
其毒自大便去若與淡菜連服尤好蓋淡菜生於藻

上亦治此病忌豆腐鷄羊酒麵日六五服

治諸瘧

出本
事方

蜜陀僧

十分

青礬

五分

右為末乾摻更好用好麵糊搜藥作膏貼之候瘡乾更
上藥三次五次然後用白芨黃柏二味水調膏貼之

已驗方

出危
氏方

治療瘧已作者

烏鷄子

七箇

斑貓

四十九箇
去頭翅足

右將鷄子一箇去頂用筋攪勻入斑貓七箇以紙糊蓋

於飯上蒸熟去斑貓食鷄子每食一箇煎生料五積
散嚙下服不過四五已破者生肌未破者消散方內
云皆去斑貓以小利下毒物為度大勝濟生三聖散
楊氏四味方非惟人不敢服亦免小便秘痛之憂服
利後尚有腹痛冷水調青靛或煎黃連水解之又方
宜法製皂角子湯下牡蠣丸

桑白皮湯

出聖濟
總錄

治療癰肌中有根

紫葛

三分

桑白皮

剉

硝石

研如粉
各二兩

芍藥

三分

虎杖

一分

犀角

銹一分

右將前五味麤搗篩每服五錢匕水一盞半煎至八分去滓入硝石半錢匕打勻空心晚後溫酒下利病根

不二散

出聖濟錄

治療癰腫痛不問大人小兒皆治之

牡蠣

煨一兩

蛻皮

一枚生炒焙乾

右為散每服二錢匕溫酒調下

白蟻散

出聖濟總錄

治療癰

白僵蚕

一兩麒麟竭

沒藥

各半兩

右為散每服一錢半以麝香酒調下

蝸牛丸

出聖濟總錄

治瘰癧已破未破

蝸牛

半碗雞蘇

半觔

右同研細水浸一宿蒸餅如桐子大每服十五丸瘡

未破水下已破薄荷湯下日三

牡蠣散

聖濟總錄

治五腫瘰癧

牡蠣

煨研末

連翹

瓦上炒搗各一兩

右為散每服一錢臥時無灰酒調下瘥後更服一兩
永不發

犀角丸 療瘰癧

犀角

四分

升麻

三分

大黃

六分

牛蒡子

八分

玄參

八分

烏蛇

一條炙
去頭尾

右為末蜜丸如桐子大每日至午後煎牛蒡湯下三

五十九

又方

龍骨

八分

牡蠣

煨八分

右為末酒下三錢匕日三度良

大黃膏

大黃

六分

附子

四分

細辛

三分

連翹

四分

去黑心

巴豆

一分

右以苦酒浸一宿臘月猪膏煎三上三下去滓綿濾用傅瘡日三五度塗之良

蛇犀散

出危氏方

治瘰癧

白花蛇肉

酒浸焙乾
用四兩

犀角

鎊一兩
兩

輕粉

二錢
半

檳榔

二錢
半

青橘皮

去白焙
半兩

牽牛子

一兩半內一
兩炒半兩生

右為散每服二錢匕別入膩粉一匕糯米飲調五更初

服至午下取惡物如取未盡經半月再服未成瘡者

內消成瘡者自乾忌一切油膩發風動氣一方用白

牽牛

四聖散

出危
氏方

治療瀰用前蛇犀散取轉後須用此補

之

海藻

洗

石決明

煨

羌活

瞿麥穗

各等分

右為散每服二錢米湯調下日三服下清水盡為佳

逐邪散

出聖濟總錄

治瘰癧瘰癧者由風邪毒氣客於肌

肉隨虛處毒停結為瘡如梅李大小兩三相連皮肉發熱病久則潰膿連屬而生久不愈則為瘰癧不拘

遠年日近立效

皂莢子

不拘多少以絹袋盛廁中浸三七日取出淨洗安地坑中蓋出毒一宿焙乾為度

斑貓

五十枚去頭足翅麵炒令黃為度

右每服用皂子末二錢七斑猫末一錢七水銀粉二錢生鷄卵一枚取白傾盞內更入飯飲半盞并藥同攪勻四更初服至五更取下毒物或從小便中下如有些小澁痛不妨或患及五年只三服三年只二服二年只一服忌口只可燒鹽吃五七日其方曾經驗甚有神效次日服生犀丸

治療癰鷄子方

出聖濟總錄

鷄子一
枝臘粉一

兩

右將鷄子開破頭傾出黃取白和臘粉却入殼內濕紙蓋頭濕紙五六重飯甑上蒸熟入新汲水浸冷去紙勿令水入十歲以上至五十以下分三服十歲以下至七歲分十服俱用熟水下若病在膈上吐出惡物瀉出瘕子後以訶黎勒皮少許搗末并好茶相和煎服一方慢火炒焦色佳硃砂半兩研細大人五更米飲調下一錢良久腹痛瀉出根如棗核大便瘥小兒十五以下只可服半錢

神效丸

出德生堂

治癰癰

左顧牡蠣

燒灰

香白芷

各四兩

甘草

節

右為細末糊為丸如桐子大每服五七十九食後酒下茶清亦可為末酒調服亦可

玉餅子

出儒門事親

治癰癰一切惡瘡軟癰

用白膠一兩磁器內鎔開去滓再於磁內鎔開將葷麻子六十四個作泥入膠內攪勻入小油半匙頭筋點水中試硬軟添減膠油如得所量瘡大小以緋帛

攤膏藥貼一膏藥可治三五癰

治療癰腫硬痛經久不瘥者

出千金方

用故鞋內毡替燒灰五匕和酒一升平旦向日服強之行須臾吐出惡物愈

又方

出千金方

用猫兒眼一兩陰乾燒灰并花水服方過七日再用猫舌炙黃為末摻傅瘡上

又方

出千金方

用狼屎傳之

又方

出千金方

用五月五日取一切種種雜草取汁洗之

又方

出神效方

將臘月猫屎用新瓦二片合在内外用鹽泥固濟燒成灰以小油調塗瘡上一方用白猫屎燒灰敷之

又方

出儒門事親

取小左蟠龍不拘多少為末陳米飯搗和為丸如桐

子大每服三五十丸即用陳米湯下

治漏瘡癰子

出海上方

用石櫟葉新舊皆可用鹽少許同櫟葉嚼爛以口噙
鹽水洗瘡口淨次將嚼爛葉貼瘡口未破合再依前
法用如患癰子瘡口濕者亦用鹽少許嚼爛櫟葉貼
在瘡乾者亦可貼

蝸牛散

出危氏方

治瘡潰與未潰皆可貼

用蝸牛不拘多少以索竹串瓦上晒乾燒灰存性為

末入輕粉少許猪髓調用紙花量瘡大小貼之一方
取七箇去肉入丁香七枚放殼內燒存性仍將肉同
研成膏用綿花貼上

療癰方

用苦參四兩為末生牛膝和丸如桐子大食後溫水
下十九日三

草麻法

出衛生
家寶方

用草麻子炒熟旋剝取仁自初一日吃一箇二日二

箇增至十五日吃十五箇十六日吃十四箇至月末
三十日只吃一個食空時下如是服一月足第二月
不拘時候及不拘數目如吃菓子之類或三或五或
七或十兩月即愈服藥人一生不可食豆食則脹殺
人經驗方陳氏云先兄幼年害癰時先公為杭州稅
官刀鐻工獻此方初未信之偶出北關遇客二舟相
差而過來者問其所苦癰子如何往者云食草麻
子而愈歸即製而服之兩月而瘥一法用麵麩炒去

殼斃器收每服三十枚日三服即去其病根一方已破者研細醋調成膏貼之大有功效

玉屑妙靈散

出仁存方

治療癰

用桂府滑石二兩為末每服二錢米飲湯下經驗方陳氏云余在書局見吳伯駿憂其長女之病日侵樓大防訪其所親趙司戶之母韓氏自言幼子年十一歲患此項上可見者有七十枚或授此方且云是心包絡中熱須用藥自小便出服覺小便澁急遂以意

用琥珀研細濃煎燈心湯下良久旋下其物正如剝
去皮蒲萄肉前後下十七枚而瘡盡平復其子今為
臨安參軍真神方也吳女得此方遂愈余親見其事
近小獲亦患此用之立愈小兒若此瘡始終兩年經
醫不知其幾終不能去因服此藥旬日而愈後合此
藥施人愈者十餘人有大聖之名真不虛傳

治癰癰不問有頭無頭者

出仁
存方

用大蜘蛛五箇晒乾細研酥調如面脂日二度傳之

須結網蜘蛛可用別的不宜用

又方

出仁
存方

用蝙蝠去腸胃新瓦上焙乾為末未破者水調攤紙上貼已破乾摻之

燒灰散

出危
氏方

治癰

用大田螺并殼肉燒存性灰破者乾貼之未破者油調敷之

治癰年久不愈者

出危
氏方

用不蛀皂角子一百粒米醋一升礪砂二錢同煮醋
盡炒令酥看所生瘰子多少若生一箇即服一箇生
十箇即每服十箇細嚼米飲湯下史氏小兒方酒煮
夜臥含化三粒名破瘰丹博濟方用酒浸三日文武
火熬盡酒為度每服夜含化三粒神與濟生方皂角
子丸相似聖濟錄有礪砂虛弱老人休服

又方皂角散

出危氏方

用不蛀皂角不拘多少每三十條作一束以櫟櫚裏

之縛定於溷泥浸一月取出却于長流水內再浸一月死水不能渲洗不可用去櫟櫚曬乾為末皂角末一兩入麝香半錢全蝎七箇研細勻一服一二錢酒或湯飲調下不過三次愈

治療癰

出瑞竹堂

用乾姜不拘多少為末以生姜自然汁打麵糊和作劑子或丹為衣每日一次隨瘡大小入藥在內追膿盡生肉為度以瘡口合則已瘡口不飲用大黃末葱

白汁調搽即愈乃日服十宣內托散二服瘡疼不破者用野菊根搗爛煎酒服仍將煎過菊根為末貼瘡自消不消瘡口破依煎藥劑追膿生肉斂口神效

治療癰瘡方

用全蝎四十九枚將牡蠣灰同桑柴灰先用炭火於上將前灰按一窩却把蝎放內埋用白紙一張鋪灰上用有黑點糯米二十四粒於紙上放一碗覆之蒸米黃取出見瘡放一粒即自愈

卷二百九十一
凡人患瘡癰口破者

活鯽魚一枚用本人小水浸死去腸肚用斑猫七箇
去足頭等入魚肚中燒燬成灰入麝香少許在內即
於瘡口乾摻再用黑膏貼之忌發物

治癰子瘡

斑猫一兩糯米一升炒熟去頭翅取薄荷連翹荆芥
穗各三兩為末用烏鷄子清同前四味藥調和為丸
如桐子大每服二十九茶清送下

治癰子瘡

用鯽魚一箇去腸不去鱗用草麻仁一兩重頭皮上
垢皮一撮搗如泥裝入魚肚內用婦人護領油紙包
定用線扎好文武火內煨至焦去紙再用文武火煨
成至成灰魚後搗為末每服三錢酒一盞調服取下
惡物愈

又方

用大河魮魚子不拘多少用翦葉包裏陰乾為末如

未破者乾摻

治癰子瘡

用松香不拘多少鎔成汁綿濾去滓入水九換水鎔
濾取出碾細每服二錢穀兩煎茶芽煎湯調下食後
臨卧日進二服

治癰癰已未破用之神效

舊破靴底洗淨晒乾燒灰一兩入輕粉三錢同乳香
香油調如瘡已破出膿水不須油調只乾傳以愈止

又方

用黃鰮魚破開入草麻子二三十箇在肚內以綿縛定於廁坑內放冬三月春秋二月夏一月取出洗淨用黃泥固濟文武火煨帶性爛研末香油調數次又

治膝瘡

治蛇盤癰瘡

用黃鴨黃又謂金條魚一箇用線縛定放糞缸內過夜取出瓦上焙乾為末好香油調傅如不乾者去油

敷

治癰已破未破者皆可服

用黃鼠子一箇全者入在瓶內鹽泥固濟瓶頭用火煨過熟取出為細末每服二錢用無灰酒調下

治諸瘰癧方

用極薄紙剪成四寸片子以水銀膩粉各二錢鷄子一枚破之取白和膩等攤在四方紙上看藥多少攤得若干片數仍於瓦礫中攤之藥勻為度於日內晒

不得見火候八九分乾和紙揭起細剪九成桐子大
每片九作五十九以皂角子煎湯溫服三九日三空
心日午臥服之三日下午如驚卵如爛杏小核之形者
乃是病源不得動氣

治鼠瘻癰

出本
事方

用刺猾皮瓦上燥研為末入水銀粉乾敷

治漏瘡

出本
事方

用蛇床子不拘多少瓦上焙乾為末紙摺搭藥入瘡

口

治療癰腫毒痛

用粟生嚼罨之

治癰方

出肘後方

用鉛三兩鐵器中熬之久當有脚如黑灰取此灰和脂塗癰上仍以舊帛貼之數數去帛拭惡汁又貼如此半月許亦不痛不破瘡且自消為水永瘥陳藏器云黑錫寒治癰瘤鬼氣疰煉為末和木香傳風瘡腫

惡毒

治療瘰

用豺屎燒灰傳上

治療瘰疥瘡等疾

用土櫝榔狀如栴榔放土穴中及階除間蓄之新者
膩軟乃蟾蜍屎也細研油調塗之

治療瘰及癰

用鱖魚取血塗之

療癰瘰癧方

用櫛白皮三觔細切水七升煮三升去滓真硃砂方
七寸匕和汁一升旦向日服之行須臾吐惡出朝服
良一方不用硃砂

清涼散

出聖濟
總錄

治項下生癰瘰不問深久新有熱可服

用龍膽揀淨為散每服一錢匕酒或米飲調下食後
夜臥服天陰不可服

治癰已破者

出傳信
適用方

用羯羊糞焙乾為末用油調塗如瘡濕乾搽

又方

用草麻子研細醋調成膏貼之大有效

治瘰癧臬炙方

用臬一隻取肉依常法炙熟食後五味汁下

治一應瘰癧初起

用貝母為細末食前頓服酒送下

療項瘰癧

出肘後方

將死小兒脚踏之即瘥

何首烏散 治瘰癧或不破至下胸前者皆治之

用九真藤根其根如鷄卵大洗生嚼常服又取葉搗覆瘡上數服即止其藥久服黑髮延年或取其頭覆之九數者服之乃仙矣其葉如杏其根亦類瘰癧子用之如神九真藤何首烏是也

治瘰癧

出千金方

用白僵蚕治下篩水服五分七日三服

又方

出仁
存方

用貓兒斡開口取涎磨解毒丸傳之

又方

出仁
存方

用狸頭一枚炙搗篩飲服方寸匕日二

又方

出聖
惠方

用狐頭灰傳之

又方

梧桐子葉鋤上煤成灰絹羅蜜調傳乾即易之

猫腦骨散

出千金方

治癰又治鼠瘻

猫腦骨 莽草

右各等分為末入孔中

升麻調經湯

出東垣試效方

治頰下或至頰下癰癰此疾出

足陽明胃之經中來若瘡深遠陰曲肉底是足少陰
腎中來也乃戌傳癸腎是夫胃傳妻俱作塊子堅硬
大小不等並皆治之或作丸服亦可

升麻

八錢炙

葛根

五錢剉

草膽

酒製炒

黃芩

刮去皮酒浸半兩用

當歸尾

三錢

桔梗

半兩

連翹

半兩

黃蘗

去皮酒炒
二錢等用

芍藥

三錢

知母

酒炒
一兩

黃連

去須
五錢

京三稜

五錢
切酒炒

廣茂

酒炒
五錢

甘草

炙半
兩

生黃芪

四錢

右另秤一半作末蜜為丸如菰豆子大每服百丸或
百五十九一半多作咬咀每服秤半兩若能食硬便可
旋加至七八錢止水二盞先浸多半不用引子候煎
至一盞去滓臥熱服脚高頭下而臥噲一口作十次
噲留一口在後送下丸子藥畢臥如常此制之緩也

白藥散

出衛生家寶方

治療瘡

右用白藥子不拘多少為末臨臥冷米飲或冷水調

下一錢

治癰子方

龍腦

一兩研

薄荷

一兩乾

皂角

一兩去皮酥塗炙焦黑去子用

右為細末用鹽豉一合醋浸軟同搗得所如硬添醋

丸菰豆大每服十九冷水下不計時日三四服忌鹹

甜動風等物

龍泉散

出東垣
試方

治項上瘰癧馬刀將先出瘡用四稜

鐵環按定不令走移作口子油藥紙撚之慎勿令合
了絕其瘡之源其効至速如瘡不破或本人不肯破
更以此散塗

瓦松粉

研細

龍泉粉

各半兩炒半
潤濕另研

昆布

去土三錢
或五錢

廣

茂京三稜

各半兩酒
製剉炒

右為細末煎熟水調塗之用此去疾尤速一二日一

易之

尅効散

出衛生寶鑑方

治癰子瘡

斑猫

四十九箇
不去翅足

官桂

半錢粳米

四十九粒炒

赤小豆

四十九粒

硃砂

一錢

右研為細末初服一錢次服二錢次服三錢次服四錢煎樟柳根送下空心服小便淋瀝為效惡心嘔吐黃水無妨其癰癰日日自消

玉燭散

治癰癰自消和血通經

當歸

芍藥

大黃

甘草

熟地黃

芒硝

黃芥

川芎

以上各等分

右為麤末每服三錢水一盞生姜三片煎至七分去

滓溫服日進一服七八日效

治癰癰

瞿麥穗

海藻菜

凌霄花

北壁背陰

別研

皂角

刺

新者

右各等分為末每服三錢米飲調下食後日二服

麝粉散

治癰子未破與破澁急赤痛

蓖麻子

四十九粒去皮

葵菜子

半兩

輕粉

半錢

麝香

別研一錢

右為細末每服一錢溫服酒調下日午臨臥各一服

小便如米泔色不可再服止可服解毒散解之

解毒散 治癰子已曾宣積取毒了尚未退者宜服

皂角子

一百粒去皮炒黑色用

連翹

一兩半

薄荷葉

半兩晒乾

甘草

三錢半生半炙 桔梗

一錢

右為細末每服一錢茶酒任意調下食後

治鼠癰方

信石

入菰豆同研

斑猫

為末去翅足用

右用麵糊為丸黃丹為衣用時打破以醋浸一宿其瘡先以艾炙次用此

又方

白朮 白茯苓 生甘草 黃耆 當歸身

酒洗

榔 白芷 黑牽牛

半生半熟

蜜陀僧

白芍藥

以上各一

兩

右為細末糊為丸如芥子大小兒七九大人十九至十五丸燈心湯下忌葱菜油膩房色酒不妨忌使性氣孕婦不可服復元通氣散立效

治癰瘡作吐

右以乳香散煎甘草調服至安濟生名內托散引論甚詳

治癰破膿水經年不安

永類
鈴方

右用百十年第屋厨中壁上土為末入輕粉調傳半

月瘡乾愈

治瘰癧已破者

華陀中藏經方

右用鈆炒取灰滓研細以溫鹽漿水洗淨貼之

又方

出肘後方

治瘰

右用馬齒莧陰乾燒灰臘月猪脂和以煖泔洗淨瘡

拭乾敷之日三

治瘰癧

出本草上

右用蓼實子微炒碾為細末薄酒調二三錢服久則

效

治卒患瘰癧子不痛

取桃樹皮貼上炙二七壯

治瘰癧毒腫

出本草方

右以鐵鑊及熟末凝塗之

治瘰癧瘡

出本草上

右用胡桃瓢燒令黑末斷烟和松脂研敷瘡上

治項邊瘰癧子

出本草上

右以桃葉燒熏之

治頷下瘰癧如梅李宜速消之

出本草上

右用海藻一觔酒二升浸數日稍稍飲之

治瘰癧惡瘡蝕息肉白癰風

出本草上

右用馬骨燒為末淋汁先以物揩破瘡塗之

治瘰癧

出本草上

右搗商陸根捻作餅子置瘰癧上以艾炷於藥上灸三

四壯乾熟易之

治瘰癧

出木
草上

七月七日出時收麻花五月五日收葉二件作炷子

於瘰癧上灸百壯

治瘰癧子

出木
草上


用苦耽苗子煮汁服或生絞汁服之良耽苗子所在
有之苗高三二尺結角如撮口袋中有子如紅硃俗
人言耽發也

治惡瘡瘰癧蝕息肉

白馬骨 黃連 細辛 牛膝 鷄桑皮 黃荊
右各等分燒為灰淋汁塗之白馬骨江東以石榴葉
短小對節者代之

導引法

養生方云箕踞以兩手從脚入據地曲脚加其上舉身
九可用行氣治療癱乳癰



普濟方卷二百九十一